

御纂
醫宗金鑑全書



上海
鴻文
書局
印行

中華民國二十八年七月出版

醫宗金鑑全書

全書八冊 實價拾二元六角

校訂者 侯

出版者 鴻文書局

發行者 鴻文書局

印刷者 鴻文書局

總發行所 上海愛文義路四六〇弄 鴻文書局

分發行所 長沙 漢口 鴻文書局

總代售處 全國各大書局

增訂醫宗金鑑 卷七

編輯外科心法要訣

腹 部

幽 癰 圖



幽癰 幽癰臍上七寸生。初小漸大腫硬疼。憂思厚味火毒發。陰寒
寒戰毒陷攻。(註)此症生臍上七寸。初起如粟漸增漫腫。瘡底
如鵝卵。甚則堅硬。通牽胸肋。由過食膏粱厚味。憂思氣滯。腸胃不
火鬱成毒。自內而發外也。初起腫痛。皮色未紅時。若心煩嘔噦。脈沉
實者。當疎火毒以絕其源。宜內疎黃連湯服之。厥腫痛甚。邪氣實也。

宜服託裏散。外用艾壯隔蒜片灸之。脈見沉遲。其膿未成。用補中益氣湯託之。脈見洪數。其膿已成。用託裏透膿
湯。熱膿脹痛不潰。係氣血虛也。急用十全大補湯溫補之。外兼用臥針開臥鍼者。斜入斜出。防傷內瘻也。或誤行
汗下。或誤敷寒涼。以致腫而不潰。潰而不斂者。急用十全大補湯加乾姜附子以救之。已潰朝寒暮熱者。氣血虛
也。食少作瀉。脾胃虛也。胸痞痰湧。脾肺虛也。俱服六君子湯。服後諸症悉退。換十全大補湯調理。即愈。外治之法
按癰疽腫腸潰瘍門。無論已潰未潰。忽咬牙寒戰。係氣虛不能勝毒。毒陷攻裏之兆。或潰後膿血忽多忽少。瘡口
如蟹吐沫者。係內瘻已透。俱爲逆證。

託裏散 皂刺 金銀花 黃芩 牡蠣 煨 當歸 赤芍 朴硝 大黃 花粉 連翹 各等分 共研粗末。

每用五錢。酒水各一盅。煎八分。去渣服。(方歌)託裏散醫諸瘡毒。腫甚炊疼煎服消。皂刺銀花芩牡蠣。歸芍

硝黃花粉糊

內疎黃連湯（見腫瘍門）隔蒜灸法（見首部）託裏透膿湯（見頭部侵腦疽）補中益氣湯 十全大補湯 六君子湯（即香砂六君子湯減去藿香砂仁俱見潰瘍門）

中腕疽 中腕疽由胃火生。臍上四寸隱隱疼。堅硬漫腫無紅熱。不食嘔噦毒內攻。（註）此症一名胃疽。發於

中腕疽圖



中腕疽在臍上四寸

山甲內消散 穿山甲 三大片炒 當歸尾 大黃 甘草節 各三錢 土木鱉三個 黑牽牛 殭蠶 各一錢

炒 酒水各一鍾煎八分。空心服。渣再煎服。大便秘行三四次。方食稀粥。淡味調理。（方歌）山甲內消火毒積。

色紫堅疼中腕疽。歸尾大黃殭草節。木鱉牽牛加酒宜。

仙方活命飲（見腫瘍門）

嚇癰圖



嚇癰在臍上寸半

嚇癰 嚇癰七情鬱火成。臍上三寸粟微紅。暴腫痲痛二七潰。頂陷色黃潰遲凶。（註）此證由鬱火七情凝結而成。生臍上三寸。屬任脈經建里穴。初如粟米。癢痛相兼。其腫迅速。寒熱往來。甚則嘔噦。牽引臍痛。初腫微紅。頂尖根束。漸透赤色。時痛時止。十四日潰膿者順。若頂陷紫黑。根脚漫腫。面赤大渴。脈見浮數而散大者逆。內治與幽

癰參攷外治法。按癰疽腫瘍潰瘍門。

衝疽圖



衝疽。衝疽臍上二寸生。心火毒熾入腎紅。高腫痠痛速潰吉。若見七惡定然凶。(註)此證生於任脈。臍上二寸下腕穴一名中發疽。又名壅腎瘡。由心火熾盛。流入腎經而成。色赤高腫。應在二十一日潰破。膿稠受補者順。初宜瘡科流氣飲。或仙方活命飲消之。膿將成時。內外治法。俱按癰疽腫瘍潰瘍門。其證若平塌紫黑。膿水清稀。七

惡證見者逆。

瘡科流氣飲(見背部痰注發)仙方活命飲(見腫瘍門)

臍癰。附臍中出水。

臍癰毒發在臍中。腫大如瓜。突若鈴。無紅無熱。宜蒜灸。稠膿為吉。污水凶。(註)此證由心

經火毒。流入大腸小腸所致。生於臍中。屬任脈。經神闕穴。此穴禁鍼。腫大如瓜。高突若鈴。無紅無熱。最宜隔蒜灸。

臍癰圖



之初宜服仙方活命飲。加升麻消之。便結實者。內疎黃連湯通利之。將欲成膿。內外治法。俱按癰疽腫瘍潰瘍門。潰後得稠膿者。順時出。污水臭穢者。逆。亦有臍中不痛不腫。甚癢。時津黃水。此屬腸胃濕熱。積久。宜服黃連平胃散。外用三妙散。乾撒。滲濕即愈。當忌酒麪生冷。果菜。不致再發。若水出不止者。亦屬逆。

黃連平胃散 黃連 五錢

陳皮 厚朴 各三錢 姜炒

甘草 二錢 生

蒼朮 一兩 炒

共研細末。每服三錢。白滾水調服。

(方歌)黃連平胃散陳甘。厚朴蒼朮共細研。專除濕熱兼消積。能令臍水立時乾。

三妙散 檳榔 蒼朮 生黃柏 各等分生

油調搽甚效。(方歌)三妙散用檳榔蒼黃藥同研。滲濕瘡蘇合油調治濕癬。收乾止癢效稱強。

隔蒜灸法 (見首卷灸法) 仙方活命飲 內疎黃連湯 (俱見腫瘍門)

少腹疽 少腹疽生臍下邊。證由七情火鬱纏。高腫紅疼牽背易。漫硬爛腐水膿難。(註)此證由七情火鬱而

少腹疽圖



少腹疽

老弱之人宜服內補十宣散。令其速潰。若潰遲恐內透膜。外治宜同癰疽腫瘍潰瘍門。

仙方活命飲 內疎黃連湯 (俱見腫瘍門) 內補十宣散 (見胸部疽癰癰)

腹皮癰 腹皮癰生腹皮內。皮裏膜外腫隱疼。腹痛不止膿成候。證由膏粱鬱火生。(註)此證生於腹皮裏膜

腹皮癰圖



外無論左右。隱疼日久。後發癰腫於皮外。右關脈見沉數。而腹痛甚者。是其候也。由膏粱火鬱而成。初起壯實者。用雙解貴金丸下之。虛弱者減半。用之不應。再服半劑。凡下之後。腹痛不止。膿將成也。急用託裏透膿湯。潰後與癰疽潰瘍門治法相同。不可過用剋伐之劑。若

希圖消散。過傷胃氣。則腫不能潰。潰不能斂。立見危亡矣。
雙解貴金丸 (見腫瘍門) 託裏透膿湯 (見頭部侵腦疽)

緩疽 緩疽脾經氣積凝。少腹旁生堅又疼。數月不潰生寒熱。食少削瘦效難成。(註)此證由太極脾經氣滯

圖 疽 緩



寒積而成。生於少腹之旁。堅如石。不紅不熱。痛引腰腿。數月不潰。若兼食少。削瘦者。屬敗症。但不可棄而不治。宜服山甲內消散。不應不可強消。徒損胃氣。以十全大補湯。加烏藥。附子。胡盧巴。溫補之外。用木香餅熨之。兼用獨頭蒜搗爛。鋪於患上。艾壯灸之。以知熱爲止。

次日再灸。以或消或潰爲效。若潰後。即按癰疽潰瘍門治法。山甲內消散。(見中脘疽)十全大補湯。(見潰瘍門)木香餅。(見乳部乳中結核)

▲ 腋部

腋癰

腋癰 腋癰暴腫生腋間。腫硬焮赤痛熱寒。肝脾血熱兼忿怒。初宜清解潰補痊。(註)此症一名夾肢癰。發於

圖 癰 腋



腋際。即俗名肱肢窩也。屬肝脾血熱兼忿怒而成。初起暴腫焮硬。色赤疼痛。身發寒熱難消。必欲作膿。初宜服柴胡清肝湯。外敷冲和膏。疼痛日增。宜服透膿散。加金銀花。甘草。節。桔。梗。脹痛者。鍼之。已潰。內

難痊。

柴胡清肝湯。(見頭部鬚疽)冲和膏。透膿散。(俱見腫瘍門)

腋疽 腋疽初起若核形。肝悲脾憂氣血凝。漫腫堅硬宜蒜灸。日久紅熱潰先疼。(註)此證一名米疽。又名痰疽。發於脰肢窩正中。初起之時其形如核。由肝脾二經。憂思悲怒氣結血滯而成。漫腫堅硬。皮色如常。日久將潰。

腋疽圖



色紅微熱疼痛也。初宜艾壯隔蒜片灸法。內服柴胡清肝湯。加烏藥消之。虛弱之人。宜服香貝養榮湯。外用烏龍膏敷之。早治或有全消者。遲則膿成。宜服託裏透膿湯。膿脹痛者。針之。膿出痛減。隨患者虛實補之。其餘內外治法。俱按癰疽潰瘍門。此症初終內外治法。禁用寒涼。中年易愈。衰老難痊。

隔蒜灸法（見首卷灸法）柴胡清肝湯（見頭部發疽）香貝養榮湯（見頭部上石疽）烏龍骨（見腫瘍門）託裏透膿湯（見頭部侵腦疽）

黯疔圖



黯疔 黯疔藏於腋下生。肝脾火毒癢而疼。寒熱拘急。色紫黑。急暗疔門治。即甯（註）此症生於腋下。由肝脾二經火毒而成。堅硬勢若釘頭。癢而且痛。寒熱往來。四肢拘急。其色紫黑。煩燥作嘔。痛引半身。宜麥靈丹。其次內外急按疔門。治之即愈。麥靈丹（見腫瘍門）

▲肋部

肋疽 肋疽始發屬肝經。火毒鬱怒結腫形。紫痛梅李盛如盤。急宜鍼砭免內攻。（註）此證一名夾焚疽。生於肋條骨間。由肝經火毒鬱怒結聚而成。初如梅李。漸大如盤。色紫焮痛。連及肩肘。患在左。痛牽在右。肋患在右。痛牽在左。肋二十一日之內。膿潰稠黏者順。既清出清水者逆。初腫急宜磁鍼砭出紫血。庶免毒氣攻裏。砭後赤腫痛甚。煩燥脈實作嘔。為有餘之症。宜服雙解貴金丸下之。腫硬不潰。宜服透膿散。脈弱作嘔。此胃虛也。宜服香砂六

肋疽圖



肋疽在肋間骨間堅硬色紫腫大如蟹

君子湯補之。亦有痛傷胃氣而作嘔者。即同胃虛治之。若感受寒邪。及偶觸穢氣而作嘔者。雖腫時尤宜壯胃助氣為主。蓋腫時作嘔。因毒氣內侵者。十有一二。停飲內傷者。十有八九。惟醫人臨證詳辨之。膿熟。用臥針開之。餘按癰疽潰瘍門治法。雙解貴金丸。透腫散（俱見腫瘍門）香砂六君子湯（見潰瘍

門）

淵疽 淵疽肝臟憂恚成。生於肋下硬腫疼。潰破有聲內膜透。未潰當服護膜靈（註）此證因憂恚太過。以致

淵疽圖



淵疽在肋下骨間堅硬色紫腫大如蟹

肝胆兩傷而成。生於肋下。初起堅硬。腫而不紅。日久方潰。得稠白膿者。順如豆漿水者。險。瘡口有聲。似乎兒啼。此屬內膜透也。即於陽陵泉穴。灸二七壯。其聲即止。穴在膝膕骨外。膝下一寸陷中。蹲坐取之。即得。內外治法皆同。助疽。凡肋胸脇腰腹空輭之處。發癰疽者。當在將潰未潰之際。多服護膜散。可免透膜之患。

護膜散 白蠟 白芨 各等分

散內二味藥。白蠟。白芨。為細末。或酒或以米湯調。將膿預服。不透膜。共研細末。輕劑一錢。中劑二錢。大劑三錢。黃酒調服。米湯亦可。（方歌）護膜

內發丹毒。丹毒肝脾熱極生。肋下腰膈赤霞形。急宜砭出紫黑血。嘔噦昏脹毒內攻。（註）此證由肝脾二經。熱極生風所致。生於肋骨延及腰膈。色赤如霞。遊走如雲。痛如火燎。急向赤腫周圍。砭出紫黑血。以瘦牛肉片貼之。羊肉片亦可。其毒即可減半。初服雙解貴金丸。汗之。次服化斑解毒湯。投方應病者順。若嘔噦昏憤。胸腹脹脹。偏身青紫者。則為毒氣內攻。屬逆。

內發丹毒圖



內發丹毒生於胸背及腰膝色赤如瘡游走如雲

化斑解毒湯 升麻 石膏 連翹 去心 牛蒡子 炒研 人中黃
黃連 知母 黑參 各一錢 竹葉二十片 水二鍾 煎八分服
方歌）化斑解毒熱生風。致發丹毒雲片紅。升高翹蒡中黃等。黃連
知母黑參同。

脇癰 附疽 脇癰如紅高腫疼。疽堅場漫冷不紅。皆屬肝胆怒火結。遲潰敗漿冷虛凶。（註）此證生於軟肋。有硬骨者爲肋。肋下軟肉處爲季脇。癰疽二症。皆由肝胆怒火凝結而成。多生於體虛之人。初如梅李。漸長如盃。如盆。色紅。痼痛高腫。二七潰破。膿稠爲癰。若堅硬平場。漫腫不痛。不紅不熱。月餘潰破稀濃爲疽。若失治。屆期不潰。攻擊成膿。腫如鼓。脹破出敗漿。腥臭。膿者逆。癰疽二證。初腫時。俱宜急服柴胡清肝湯。解鬱瀉火。如已成者。服託裏透膿湯。膿熱脹痛。俱用臥鍼開之。已潰以排餘膿。補氣血爲要。餘按癰疽潰瘍門治法。投補不應者難治。

脇癰圖



脇癰在肋骨下軟肉處

柴胡清肝湯（見頭部贅疽）託裏透膿湯（見頭部侵腦疽）

內癰部

肺癰 肺癰肺熱復傷氣。肺臟生癰隱痛胸。狀若傷寒燥欬甚。稠濁痰涎腥臭膿。未潰射干麻黃汗。壅不得臥。寧麤攻。潰後稠膿能食吉。膿清兼血不食凶。（註）此症係肺臟蓄熱。復傷風邪。鬱久成癰。以致胸內中府穴隱隱疼痛。振寒脈數。狀類傷寒。咽燥不渴。欬而喘滿。唾稠黏黃痰。兼臭穢膿血也。治之者於未潰時乘膿未成。風鬱於

五臟六腑



諸募穴圖



身溫脈細。膿血交粘。痰色鮮明。飲食甘美。膿血漸止。便潤者爲吉。若手掌皮粗。潰後六脈洪數。氣急額紅。汚膿白血。懶食及大便結燥者爲凶。中府穴。又名肺募在乳上第三根肋骨間。

射干麻黃湯 射干十三枚 或三兩 麻黃 生姜各四兩 細辛 紫苑 款冬花各三兩 大棗七枚 五味子 半夏

各半 升洗 水煎溫服。(方歌)射干麻黃欬上氣。肺癰喉中水氣聲。射麻生薑辛苑夏。五味大棗並款冬。

葶藶大棗湯 苦葶藶輕者一錢 重者一兩 大棗輕者五枚 重者十枚 去核 以水三盅。煎至一盅。服之。(方歌)葶藶大棗治肺

癰。欬不得臥有壅膿。葶藶苦寒瀉實熱。佐棗之甘和胃經。

千金葦莖湯 葦莖 二升

薏苡仁 炒

瓜瓣 各半升即

冬瓜仁 桃仁 五十粒去

皮尖炒研 水煎服。(方歌)千金葦莖肺癰

欬。微熱煩滿吐敗濁。皮膚甲錯宜葦莖。薏苡桃仁瓜瓣合。

桔梗湯 苦桔梗 甘草 二兩生

水煎服。(方歌)桔梗湯用排餘膿。肺癰吐膿米粥形。清熱解毒須甘草。開

提肺氣桔梗功。

外臺桔梗白散 苦桔梗 貝母 各三分

巴豆 一分去皮 熬研如脂

右三味爲散。強人飲服半錢匕。羸者減之。病在膈上者吐膿。在膈下瀉出。若下多不止。飲冷水一盃則定。(方歌)外臺桔梗白散方。肺癰便祕服之良。桔梗貝母與巴豆。藥微力大功速強。

金鯉湯 金色活鯉魚 一尾約 貝母 二錢

四兩重 先將鯉魚連鱗刮去肚腸。勿經水氣。用貝母細末。摻在魚肚內。綫扎

之用。上白童子便半大碗。將魚浸童便內。重湯炖煮。魚眼突出爲度。少頃取出。去鱗骨。取淨肉。浸入童便內。炖熱。肉與童便作二三次。一日食盡一枚。其功效甚速。(方歌)金鯉湯中效罕稀。法同貝母活鯉魚。童便浸魚重湯炖。癰疽煩熱善能醫。

甯肺桔梗湯 苦桔梗 貝母 去心

當歸

括蕤仁 研

生黃耆

枳壳 麩炒

甘草節

桑白皮 炒

防己

百合 去心 薏苡 各八分炒

五味子

地骨皮

知母 生

杏仁 炒研

苦葶藶 各五分

水二盅

薑三

片煎八分。不拘時服。

欬甚。倍加百合。

身熱加柴胡黃芩。

大便不利。加蜜炙大黃一錢。

小水澀滯。加燈

心木通。

煩燥痰血。加白茅根。

胸痛。加人參白芷。(方歌)

寧肺桔梗肺癰葶歸蕤貝殼甘桑皮。防己百合寧

五味。杏知薏仁地骨宜。

紫苑茸湯 紫苑茸 犀角 末 甘草 炙 人參 各五分 桑葉 用經霜者 款冬花 百合 去心 杏仁 炒研

阿膠 便潤炒用 貝母 去心 半夏 製 蒲黃 各七分 引薑 三片 水二盅 煎八分 將犀角末調入食後服。

方歌 紫苑茸湯參犀角。款冬桑葉杏百合。阿膠甘夏貝蒲黃。專醫肺癰不久臥。

清金甯肺丸 陳皮 白茯苓 苦桔梗 貝母 去心 人參 黃芩 各五分 麥冬 去心 地骨皮 銀柴胡

川芎 白芍 炒 胡黃連 各六錢 五味子 天冬 去心 生地 酒浸 搗膏 熟地 搗膏 歸身 白朮 各一兩 兩炒

草 三錢 炙

右爲細末。煉蜜爲丸。如梧子大。每服七十丸。食遠。白滾湯送下。(方歌)清金甯肺丸肺癰。陳芩桔貝參二冬。柴芩歸芍黃連草。朮地生熟地骨芎。

大小腸癰 大小腸癰因濕熱。氣滯瘀血注腸中。初服大黃行瘀滯。膿成薏苡牡丹平。(註)此二症俱由濕熱氣滯凝結而成。或努力瘀血。或產後敗瘀蓄積。流注於大腸小腸之中。初起發熱惡風自汗。身皮甲錯。關元天樞二穴。隱痛微腫。按之腹內急痛。大腸癰多大便墜腫。小腸癰多小便澀滯。脈俱遲緊。此時癰膿未成。宜大湯下之。瘀血利盡。若小水閉澀。仍宜大黃湯加琥珀末木通。利之自效。若癰成日久不潰。身皮甲錯。內無積聚。腹急腹痛。身無熱而脈數者。係腸內陰冷。不能爲膿。宜薏苡附子散主之。若脈見洪數。肚臍高突。腹痛脹滿。不食動轉。側身則有水聲。便淋刺痛者。癰膿已成。宜薏苡湯主之。腹濡而痛。少腹急脹。時時下膿者。毒未解也。宜丹皮湯治之。如膿成臍出。腹脹不除。飲食減少。面白神勞。此屬氣血俱虛。宜八珍湯加牡丹皮肉桂黃耆五味子。斂而補之。患者轉身動作。宜徐緩而勿驚。慎之。如耽延日久。因循失治。以致毒攻內藏。腹痛牽陰。腸胃受傷。或

致陰氣紫黑腐爛。色敗無膿。每流污水。衾幃多臭。煩燥不止。身熱晝乾。俱屬逆症。關元穴。又名小腹募。在臍下三寸。天樞穴。又名大腸募。在臍旁開二寸。

大黃湯 大黃 剉炒 牡丹皮 硝石 研 芥子 桃仁 炒先以湯浸去皮尖雙仁勿用

右各等分。共剉碎。每用五錢。水二盅。煎至一盅。去滓空心溫服。以利下膿血爲度。未利再服。(方歌)大黃湯善治腸癰。少腹堅痛膿未成。牡丹皮與大黃炒。芥子桃仁硝石靈。

薏苡附子散 附子 二分炮 敗醬 五分 薏苡仁 一錢炒

右爲末。每服方寸匕。以水二合煎頓服。小水當下三因云。薏苡附子同煎。敗醬一兩一分。每服四錢。水半盞。煎七分。去滓。空心服。(方歌)薏苡附子散。甲錯腸癰腹脹痛脈數。附子敗醬薏苡仁爲末。水煎空心服。

薏苡湯 薏苡仁 括婁仁 各三錢 牡丹皮 桃仁 各二錢泥 水二盅。煎至一盅。不拘時服。(方歌)薏苡

傷治腹水聲。腸癰便淋刺痛疼。牡丹皮共括婁子。還有桃仁薏苡仁。

丹皮湯 丹皮 括婁仁 各一錢 桃仁 泥 朴硝 各二錢 大黃 五錢 水二盅。煎一盅。去滓。入硝再煎數滾。不

拘時服。(方歌)丹皮湯療腸癰症。服濡而痛時下膿。硝黃丹婁桃仁共。水煎服之有奇功。

八珍湯(見潰瘍門)

胃癰 胃癰中脘穴腫疼。不咳不嗽吐血膿。飲食之毒七情火。候治腸癰大法同。(註)此症初起。中脘穴必隱痛微腫。寒熱如瘧。身皮甲錯。並無咳嗽。咯吐膿血。由飲食之毒七情之火。熱聚胃口成癰。脈來沉數者。初服清胃射干湯下之。若脈瀯滯者。瘀血也。宜服丹皮湯下之。脈洪數者。膿成也。赤豆薏苡仁湯排之。體倦氣喘作渴。小水頻數。肺氣虛也。補中益氣湯。加麥冬五味子補之。其症候生死治法。與大小腸癰同。中脘穴又名胃募。在臍上四

寸

清胃射干湯 射干 升麻 犀角 麥冬 去心 元參 大黃 黃芩 各一錢 芒硝 梔子 竹葉 各五錢

水煎服。(方歌)清胃射干湯射干升麻犀角麥冬全。參苓大黃芒硝等。竹葉山梔胃癰全。

赤豆薏苡仁湯 赤小豆 薏苡仁 防己 甘草 各等分 水二盅煎八分。食遠服。(方歌)赤豆薏苡湯最

神。甘己赤豆薏苡仁。胃癰膿成脈洪數。二盅水煎服八分。

丹皮湯(見大小腸癰)補中益氣湯(見潰瘍門)

脾癰 脾癰濕熱瘀血凝。章門穴腫兼隱痛。腹脹噎乾小水短。利下濕瘀補收功。(註)此症始發。章門穴必隱

疼微腫。由過食生冷兼濕熱。或瘀血鬱結脾經而成。令人腹脹咽噎乾燥。小水短澀。初宜大黃湯。赤豆薏苡仁湯。

二方合而用之。以攻滯鬱。二便利通。腹脹全消。宜六君子湯。扶脾調理。順逆看法與胃癰同。章門穴又名脾募。在

臍旁開六寸。高上二寸。

大黃湯(見大小腸癰)赤豆薏苡仁湯(見胃癰)六君子湯(即香砂六君子湯去藿香砂仁見潰瘍門)

肝癰 肝癰憤鬱氣逆成。期門穴腫更兼疼。臥驚怯滿溺不利。清肝滋腎即成功。(註)此證始發。期門穴必隱

痛微腫。令人兩肋脹滿。脇痛倒臥則驚。便溺艱難。由憤鬱氣逆而成。初服復元通氣散。次服柴胡清肝湯。痛脹已

止。宜服六味地黃湯。脾虛食少。則佐以八珍湯。滋補腎脾。治之取效。禁用鍼灸。期門穴又名肝募。在乳旁一寸半。

再直上一寸半。

復元通氣散(見腫瘍門)柴胡清肝湯(見頸部贅疽)六味地黃丸(見面部雀斑)八珍湯(見潰瘍門)

心癰 心癰巨闕腫隱疼。酷飲嗜熱火毒成。面赤口渴身作痛。治法陽熱總宜清。(註)此證始發。巨闕穴必隱

痛微腫。令人寒熱身痛。面色赤。口渴隨飲隨乾。由心火熾盛。更兼酷飲嗜熱而成。宜服涼血飲。酒毒為病者。宜服

升麻葛根湯治之。此症甚屬罕有。但治法不可不備。巨闕穴又名心募。在臍上六寸五分。

涼血飲 木通 瞿麥 荊芥 薄荷 白芷 花粉 甘草 赤芍 麥冬 去心 生地 山梔子 車前子

連翹 各等分 去心 引用燈心。若潮熱加淡竹叶。水煎溫服。(方歌) 涼血飲善治心癰。瞿荊荷芷草翹通赤

芍山梔乾生地。車前花粉麥門冬。

升麻葛根湯 山梔 升麻 葛根 白芍 柴胡 黃芩 各一錢 黃連 木通 甘草 各五分 水二盅煎

八分。不拘時服。(方歌) 升麻葛根湯山梔。酒毒心癰黃連宜。柴芍通芩升葛草。水煎溫服不拘時。

腎癰 腎癰胃經不足生。京門微腫隱隱疼。少腹肋下臃脹滿。房勞形寒邪外乘。(註) 此症始發。京門穴必隱

痛微腫。令人寒熱往來。面白不渴。少腹及肋下臃脹塞滿。由腎虛不足之人。房勞太過。身形受寒。邪氣自外乘之。

初服五積散。加細辛。寒盡痛止。宜用桂附地黃丸調理。京門穴又名胃募。在身側腰中。監骨下肋間。

五積散 蒼朮 二錢炒 陳皮 桔梗 川芎 當歸白芍 各一錢 麻黃 枳殼 麩炒 桂心 乾薑 厚

朴 各八分 白芷 半夏 製 甘草 生 茯苓 各四分 引薑一片。水二鍾煎八分。不拘時候。頭痛惡寒者。

加連鬚葱頭三個。蓋臥汗出甚效。(方歌) 五積散蒼朮陳苓。麻黃半桔歸芍芎。芷朴桂心乾薑草。腎癰寒邪

服成功。

桂附地黃丸(見腫瘍門)

三焦癰 三焦癰由溼熱凝。石門穴上腫隱疼。寒結治同腸癰法。內癰俱係膜內生。(註) 此證始發。石門穴必

隱疼微腫。令人寒熱往來。二便秘澀。由溼熱遇寒凝結而成。治法與大小癰法同。凡內成俱係膜內癰患。外皮不

腐。石門穴又名三焦募。在臍下二寸。

內癰總論 凡人胸腹有十一募。募者各臟腑陰會之所也。靈樞云。發內癰內疽者。其本經募上肉必浮腫。募中

必時時隱痛浮腫爲癰。隱痛爲疽。此卽內癰內疽之驗也。茲內癰有治法。內疽無治術。何也。蓋內癰內疽。其病原無殊。惟在根淺根深之別耳。根淺爲癰。根深爲疽。若臨證用藥。攻補得宜。無不收效。至募有十一。而內癰僅九證者。何也。蓋胆府形如膜皮。無出無納。汗清氣潔。不生內癰內疽。若夫膀胱亦如膜皮。中惟濁水。故古今書籍。並無講及內癰內疽者。是以未敢詳載。雖然中極穴。卽膀胱穴也。今人間有中極穴。或浮腫或隱痛者。所見證候。竟同腸癰治法。亦當按小腸癰治之可也。俟後之學者留意焉。

驗內癰法 凡遇生內癰之人。與生黃豆五粒嚼之。口中無豆味者。是其候也。